



## Universitätsbibliothek Paderborn

**Tractatvs De Fiducia In Devm Plurimas Et Utilissimas pro  
vitâ spirituali instructiones Continens, Præcipue Ad  
Obtinendam magnam animæ quietem, & afflictiones  
quascunque ingenti cum solatio & fructu ...**

**Dusault, Nicolas**

**Coloniæ Agrippinæ, 1660**

§. 4. Tituli qui nos obligant ad gratitudinem & fiduciam erga Deum.

[urn:nbn:de:hbz:466:1-50333](#)

*Tituli qui nos obligant ad gratitudinem &  
Fiduciam in Deum.*

**H**Os paucis S. Bernardus verbis complices illi debes, à quo totum habes: illi præcipue Domino qui & te fecit & beneficit tibi, qui tibi ministrat siderum cursus, aëris temperiem, fœcunditatem terræ, fructuum ubertatem, huic revera totis mediolis, totis viribus serviendum, ne forte indignationis oculo te respiciat & despiciat & conterat in æternum. Cui igitur servient facultates animæ nostræ, si non cognoscendo & amando Deo benefactori nostro? Cui linguæ & sermones nostri, si non illi laudando & glorificando? Cui impendemus vitam nostram, vires, conatus, & studia nostra, si non ad serviendum illi qui *habet flatum nostrum in manu suâ, & omnes vias nostras.* Dan. Si molestè ferimus servum heros suo immonigerum; quām erit indignum creaturam ratione præditam repugnare Creatori suo? Si monstrum simile habetur reperiri in societate civili filium patri suo dissidentem, quām potestosum erit hominem non confidere Deo suo? Fuitne umquam heros qui servum suum

pro-

produxit ex nihilo , aut potuit afferre interi-  
um avertendo duntaxat oculos suos ab illo? Fuitne umquam Pater qui assiduo influxu-  
suppeditavit filio suo vitam, sensum & motū  
omnē? cui paterno opus fuit auxilio ad ambu-  
landum, ad videndum, ad loquendum, ad co-  
gitandum, adeo ut sine ope ejus membris o-  
mnibus captus , expers sensuum ac stupidus  
temanere filius cogeretur. Quid si liberi tan-  
topere à suis dependerent parentibus , quan-  
tum illis deberent honorem, amorem? quam  
varia obsequiorum genera deferrent? Et si  
hoc unum exigenter ad obtinendum ab  
illis semper paratum auxilium , ut filiale  
semper erga illos conservarent fiduciam;  
quām semel illi animo conceptam retinerent  
semper stabilem? quām invictam? quām ge-  
nerofam? Nos sanè hoc modo pendemus à  
Deo, qui & affirmat & firmissime pollicetur,  
fiduciam habuerimus in ipso , non accedet  
ad nos malum & flagellum non appropin-  
quabit tabernaculo nostro. Ubi sunt igitur  
obsequia nostra , ubi fiducia , quam tot tam-  
que gravibus titulis à nobis exigit? imò quid  
dicemus de hominibus istis quorum innu-  
merabilis est numerus , qui obliviscuntur  
Deicreatoris sui, tametsi non ignorent debitū  
sui obligationem? Et obliviouscuntur non una-

V

aut

aut alterâ horâ sed pluribus diebus, hebdomadibus & mensibus. Et non oblitiscuntur modò , sed offendunt etiam graviter & in Deum injurii atque impii sunt quem omni veneratione ac cultu observare tenentur, & quæ ab illo beneficiorum loco acceperunt, his ipsis eum inhonorant. Primus ingratianus gradus est juxta Senecam *l. de benef. t. i.* non reddere beneficium ei, à quo accepit. Secundus oblivionis tradere & nomen benefactoris & collatorum beneficiorum memoriam. Tertius & omnium maximus est, reddere malum pro bono; nec quò progrediatur hoc crimen videtur habere. Sed fallax bone philosophie , habet ingratissimorum hominum malitiā quo progrediatur ; nam propria bona quæ de beneficâ Dei manu largè effuseque suscepit, in malefacta versunt & instrumenta nequitiae. O perfidiam, o opprobrium naturæ humanæ! Quis unquam repertus est homo , qui tales se exhibuerint homini , quales se præbent homines Deo? Nunquam extitit homo tam inhumanus ac barbarus qui suo Principi bellum intulerint, lis ipsis quæ ab eo perceperat , liberalitas stipendiis ; & alterâ manu sumpserit in illum arma, & alterâ suscepit ab illo donatum. Et tamen hoc ipsum quotidie in Deum com-



mittimus gloriam ejus pessundamus iis me-  
dis, quibus eam promovere deberemus: lin-  
guâ quam accepimus ab illo ad ipsum laudâ-  
dum, abutimur ad blasphemandum nomen  
sanctum ejus, ad detrahendum famâ proximi-  
mi, ad mentiendum: cor convertimus ad  
concienda odia, homicidia, adulteriâ: vo-  
luntatem ad amandum, quæ ipse præcepit  
odio haberi, aut ad detestandum quæ jussit  
nos amore prosequi. Valetudine, robore cor-  
poris, divitiis abutimur ad desideria Carnis  
explenda, ad prædandum, ad rapiendum, ad  
lasciviendum. Dedi ei frumentum & vinum  
oleum: argentum multiplicavi ei & aurum,  
que fecerunt Baal: queritur Deus per Pro-  
phetam, Ose. 2. Quam multi etiamnum solis  
luce abutuntur ad exercendas, nocte ad oc-  
cultandas, terrâ ad sustinendas, & creaturis  
omnibus ad fovendas & promovendas ne-  
quitias suas? Generatio prava atque peruersa,  
vaccine reddis Domino popule stulte & insi-  
stens. Nunquid non ipse est Pater tuus, qui po-  
sit te & fecit, & creavit te? Deut. 32. Hæc  
omnia si pro ut par est, animo attentiore con-  
siderentur, quam salutaria sunt ad injiciendū  
nobis pudorem & ingenerandum studium: ea  
quæ Deo conditori ac benefactori nostro de-  
bemus, obsequia deferendi concipiendique

V 2 fiduciam

fiduciām ingentem erga divinam ejus bonitatem, quā tot tantisque nos cumulat bonis & obstringit sibi indissolubili nexu omnium motuum, functionum qualitatum, potentiarumque naturae nostrae, & omnium quae ad eam pertinent bonorum.

## §. V.

*Aliæ obligationes ad habendam in Deo fiduciam obtinendi ea qua nobis desunt.*

Cum non simus nisi initium aliquod creaturæ Dei ut S. loquitur Apostolus Jacobus, multò plura supersunt conferenda nobis à munificentissimo Deo ac Domino nostro, quam collata sint bona. Sapientissimus mundi hujus architectus voluit non uno simul tractu nos princeps opus suum absolvere, sed paulatim certis incrementis extollere atque perficere, itaque prima duntaxat lineamenta ducere ut, quid desit nobis agnoscentes, artificem ejus manum imploremus, & quod coepit, ipse perficiat. *Manu tua fecerunt me & plasmaverunt me, aiebat David, psal 118. da mihi intellectum. Tu Domine posuisti in terra vitam meam, ut in cœlum educas me & colloces me cum principibus populi tui, cui cum aggregatus fuero, nihil mihi deerit, sed habebo omnia necessaria,*

quæ